

# Маҳалла

Ўзбекистон Оқсоқоллар кенгаши ва «Маҳалла» жамғармаси республика бошқаруви нашри

2009 йил 2 декабрь, Чоршанба

ISSN 2010-7013

ҚИШЛОҚДА САНОАТ

## ТАДБИРКОРЛИК — ТАРАҚҚИЁТ МЕЗОНИ

Қишлоқ инфратузилмасини ривожлантириш — ижтимоий масалаларни ҳал этишнинг муҳим йўналишларидан бири. Сурхондарё вилоятида кейинги йилларда, айниқса, Ўзбекистон Республикаси Вазирлар Маҳкамасининг 2008 йил 20 июндаги «2008—2012 йилларда Сурхондарё вилоятини комплекс ижтимоий-иқтисодий ривожлантириш тўғрисида»ги қароридан сўнг талайгина ибратли ишлар амалга оширилмоқда. Бу борада тадбиркор ва ишбилармонлар олиб бораётган ишлар кўлами ҳам ортмоқда. Қишлоққа саноатни олиб кириш орқали инфратузилмани ривожлантиришга аҳамият кучаймоқда. Муҳими, ижтимоий-иқтисодий тараққиётни таъминлашда қишлоқ маҳалла фуқаролар йиғинларининг ҳам ҳиссаси сезиларли тус олмоқда. Маҳалла ҳудудда жойлашган ишлаб чиқариш борхоналари сони ортиб бормоқда. Бу эса, ўз навбатида, истиқболли лойиҳалар асосида ободонлаштириш, бунёдкорлик ишларини юксалтиришга етарлича шарт-шароитлар яратяпти.



ИҚТИСОДИЁТ > [3]

8 ДЕКАБРЬ — ЎЗБЕКИСТОН РЕСПУБЛИКАСИНING КОНСТИТУЦИЯСИ ҚАБУЛ ҚИЛИНГАН КҮН

## КОНСТИТУЦИЯМИЗ — МИЛЛАТЛАРАРО ТОТУВЛИК КАФОЛАТИ

**РЕСПУБЛИКА** Байналмилал маданият марказида Ўзбекистон Фанлар академияси, Маънавият тарғибот маркази, Хотин-қизлар кўмитаси, «Маҳалла» жамғармаси, Дўстлик жамиятлари кенгаши ҳамкорлигида Ўзбекистон Республикаси Конституциясининг 17 йиллигига бағишланган «Истиқлол: ислохотлар моҳияти, тараққиёт ва демократия» мавзuida илмий-амалий конференция ташкил этилди.

Анжуманда олимлар, давлат ва жамоат ташкилотлари раҳбарлари, жойларда миллий йўналишдаги ишларни мувофиқлаштирувчи кенгашлар раислари, маданий марказлар ва маҳалла фаоллари, юртимизда фаолият кўрсатаётган чет эл дипломатик корпус вакиллари ҳамда маънавий соҳа етакчилари иштирок этди.

Конференция қатнашчиларининг маърузаларида мамлакатимиз Президенти Ислам Каримовнинг «Юртимизда тинчлик ва осойишталикни асраш, кўп миллатли давлатимизда қарор топган дўстлик ва тотувлик муҳитини мустаҳкамлаш, меҳнаткаш инсонга ҳурмат-эҳтиром, жамиятимизда миллати ва динидан қатъи назар, ҳамма учун тенг шароит яратиш — бизнинг олий мақсадимиздир», деган фикрлари яна бир бор ўз ифодасини топди.

Фуқароларнинг жинси, irqи, миллати, тили, дини, ижтимоий келиб чиқиши ва эътиқодидан қатъи назар, қонун олдида тенглигини кафолатлаган, халқимизнинг барча миллат ва элатлар тиллари, урф-одатлари ва қадриятларини ҳурмат қилишдек асрий анъаналарни қонун даражасига кўтарган Конституциямиз жамиятимизнинг бугунги ютуқларга эришишида му-

хим омил бўлиб хизмат қилмоқда. Мамлакатимизда тенг ҳуқуқ ва имкониятларга эга юздан ортиқ миллат вакиллари истиқомат қилаётгани, 145 миллий-маданий марказ, 16 конфессияга мансуб икки мингдан зиёд диний ташкилот эмин-эркин фаолият кўрсатаётгани ана шу йўлда олиб борилаётган ишларнинг амалдаги ифодасидир. Бу юртимизда бағрикенглик, миллатлараро ҳамжиҳатлик муҳити қарор топгани, маънавий қадриятларни тиклаш ва ривожлантириш учун барча шарт-шароит яратилганидан далолатдир.

Иштирокчиларнинг чиқишларида миллатлараро ва динлараро ҳамкорликни таъминлаш борасида эришилган натижалар, уларни рўйбга чиқаришда Конституциявий қоидаларнинг ўрни билан боғлиқ масалалар атрофида таҳлил қилинди.

Анжуманда жойлардаги миллий-маданий марказлар ва дўстлик жамиятлари билан боғлиқ ишларни мувофиқлаштирувчи кенгашлар фаолиятини янада такомиллаштириш, маданий марказлар томонидан ўтказилаётган тадбирлар самардорлиги ва таъсирчанлигини оширишга қаратилган тавсиялар қабул қилиниб, келгусидаги режалар белгилаб олинди.

Шу кунги Алишер Навоий номидаги Ўзбекистон Давлат академик катта театрида «Ўзбекистон — умий уйимиз!» 3-республика фестивалининг якуний босқичи бўлиб ўтди. Унда санъат усталари, юртимизда фаолият кўрсатаётган миллий-маданий марказларнинг концерт дастури ҳамда тасвирий ва амалий санъат кўргазмаси намойиш этилди.

(Ўза)

2009 ЙИЛ — ҚИШЛОҚ ТАРАҚҚИЁТИ ВА ФАРОВОНЛИГИ ЙИЛИ

## ОБОД ҚИШЛОҚЛАРДАГИ ЗАМОНАВИЙ УЙЛАР

**ПРЕЗИДЕНТИМИЗ** Ислам Каримов ташаббуси билан ташкил этилган қишлоқ аҳолиси учун яқка тартибдаги уй-жойлар лойиҳалари ва қурилиш материаллари ихтисослаштирилган кўргазмаларининг самаралари хусусида



Давлатимиз раҳбари Ислам Каримов ташаббуси билан 2009 йилнинг Қишлоқ тараққиёти ва фаровонлиги йили деб эълон қилинган халқимизнинг бунёдкорлик, яратувчанлик борасидаги салоҳиятини намойиш этишда янги имкониятлар эшигини очди. Қишлоқларимиз қиёфаси ўзгариб, намунавий лойиҳалар асосида аҳолини уй-жой билан таъ-

минлаш борасида кенг кўламли ишлар амалга оширилаётгани Дастурнинг изчиллик билан ҳаётга татбиқ этилаётгани самарасидир. Қишлоқларимизни обод масканларга айлантириш, инфратузилмани ривожлантириш, аҳоли фаровонлигини юксалтириш борасида йил бошидан буён беқиёс ишлар амалга оширилди. Жорий йилнинг ўтган

тўққиз ойида 6361 минг квадрат метр, шу жумладан, қишлоқ жойларда 4728,8 минг квадрат метр тураржой фойдаланишга топширилди.

Янги уй-жойлар, ижтимоий-маданий, тиббий ва маиший хизмат кўрсатиш иншоотлари пухта ишлаб чиқилган бош режа, замонавий мейморчилик лойиҳалари асосида қурилаётгани қишлоқларимиз қиёфасини сифат жиҳатдан яхшилаш, аҳоли пунктларини босқичма-босқич изчил ривожлантириш имконини бераётди.

Давлатимиз раҳбарининг 2009 йил 3 августда қабул қилинган «Қишлоқ жойларда уй-жой қурилиши кўламини кенгайтиришга оид қўшимча чора-тадбирлар тўғрисида»ги қарори уй-жой шароитини яхшилаш ниятида бўлган фуқароларга қўшимча қулайликлар яратди. Тасдиқланган намунавий лойиҳалар асосида қурилиш ишларини тез ва сифатли амалга ошириш учун «Қишлоқ қурилиш банк»нинг «Қишлоқ қурилиш инвест» ихтисослаштирилган шўба инжиниринг компанияси ташкил этилиб, Қорақалпоғистон Республикаси ва вилоятларда унинг филиаллари фаолият кўрсата бошлади. Компания янги уй-жойларни фойдаланишга тайёр ҳолда топшириш шартларида буюртмачи вазафасини бажаради.

ИЖТМОИЙ-СИЁСИЙ ҲАЁТ > [2]

ДОЛЗАРБ МАВЗУ

## ЭКРАНДАГИ ЭРМАК ЭПИДЕМИЯСИ

Бугун ер шарининг нариги томонида бўлаётган воқеани интернетнинг on-line тизими орқали тўғридан-тўғри кузатиш имкони бор. Бунинг учун телевизор ёки компьютер бўлиши шарт эмас. Телекоммуникация соҳасидаги ютуқлардан хабардор киши учун қўлидаги мобил телефоннинг мити дисплейи ҳам катта экран вази-фасини ўтайди.

Аммо юксак тараққиёт аталаётган бу жараён, ўз навбатида, айрим иллатлар учун йўл очиб бераётгани ҳам сир эмас. Таъбир жоиз бўлса, интернет хизматидан фойдаланган ҳолда тинчгина яшаётган одамлар орасига кутқу соладиган, ёшлар дунёқарашига салбий таъсир кўрсатадиган ахборотлар тарқатиш, ёвузлик ва беҳаёликни тарғиб қиладиган тасвирларни жойлаштиришдек ярамас иллат пайдо бўлдики, уни инфо-мацион хуруж, экрандаги экспансия, деб аташ мумкин.

Президентимиз Ислам Каримовнинг «Юксак маънавият — енгилмас куч» асариде таъкидланганидек, ҳаёт ҳақиқати шунки кўрсатадики, ҳар қандай тараққиёт маҳсулидан икки хил мақсадда — эзгулик ва ёвузлик йўлида фойдаланиш мумкин. Агарки башарият тарихини, унинг тафаккур ривожини тадрижий равишда кўздан кечирадиган бўлсак, ҳаётда инсонни камолотга, юксак марраларга чорлайдиган эзгу гоя ва таълимотлар билан ёвуз ва зарarli гоёлар ўртасида азалдан кураш мавжуд бўлиб келганини ва бу кураш бугун ҳам да-



вом этаётганини кўраемиз.

Глобаллашув жараёнининг яна бир ўзига хос жиҳати шундан иборатки, ҳозирги шароитда у мафқуравий таъсир ўтказишнинг ниҳоятда ўткир қуролига айланиб, ҳар хил сиёсий кучлар ва марказларнинг манфаатларига хизмат қиладиганини соғлом фикрлайдиган ҳар қандай одам, албатта, кузатиши мумкин.

Оммавий ахборот воситалари бутун дунёда гуманистик қарашлар ифодачиси, прогрессив гоёлар, эркин ва холис фикрлар тарғиботчи-си сифатида эътироф этилади. Лекин кейинги йилларда айрим ахбо-

рот маҳкамалари, шу жумладан, интернетдаги баъзи сайтларнинг ҳолисликдан йироқ, ўз номи билан атасак, соҳа принципида зид фаолиятини кузатган киши таажжубга тушади.

Ҳар қандай тарғиботдан кўзланган асосий мақсад эътиқодга таъсир кўрсатишдир. Интернетда ваҳшийлик ва зўравонликдан иборат уйинларни, ибодат каби тушунчаларни инкор этадиган тасвирлар намойишини тақлиф қиладиган «ижодкорлар» фаолиятига ана шу нукта назардан баҳо бериш лозим.

ГУЗАРДАГИ ГҮРҮНГЛАР > [8]













